


Vischnaunca da Breil



**Lescha per carrar las vias d'alp, d'uaul e
funsilas cun vehichels a motor**

Art.	1	Scamond da carrar ed ordinaziuns
	2	Excepziuns che drovan negina lubientscha
	3	Excepziuns che drovan ina lubientscha
	4	Negina lubientscha speciala
	5	Taxas
	6	Prescripziuns specialas
	7	Responsabladad
	8	Disposiziuns penalas
	9	Execuziun
	10	Publicaziun e signalisaziun
	11	Vigur

Sebasond sin art. 3 dalla lescha davart il traffic sin via e la lescha d'uaul dil cantun Grischun, sco era sin ils art. 7, 10 e 13 dallas ordinaziuns executivas tier la lescha da traffic sin via ed ils art. 15 e 34 dallas ordinaziuns executivas tier la lescha d'uaul, ha la vischnaunca da Breil approbau a caschun dalla sesida dil cussegl da vischnaunca dilsil suandont reglament.

Art. 1

Scamond da carrar ed ordinaziuns Sin las vias communalas d'uaul e las vias funsilas sutmenziunadas eis ei scumandau da carrar cun vehichels a motor:

- Via Tschuppina suten, tschancun camp militar – Flan
- Via Vals – Plaun Sut, tschancun sviada lag entochen Plaun Sut
- Via Resgia – Plaun da Pors
- Via S. Giacun – Ignius – Cuolms da Runs
- Via S. Giacun – Plaun las Steilas – Cuolms da Runs – Plaun La Lenna – Plaun da Plaids
- Via S. Giacun – Artugl – Tschegn Dado Sut – Tschegn Dadens – Tschegn Dado sura e Surmitschun
- Via S. Giacun – Artugl – Sur l'Acla – Alp da stiarls – Chischarolas – Rubi
- Via Alp Dado naven da Curtginet entochen Alp Dado (incl. Ladrail, Speschas, Spinatsch, Prau Grond)
- Via Tschess (pastira) entochen Alp d'Andiast

Art. 2

Excepziuns che drovan negina lubientscha

Da quei scamond ein excepziuns ils suandonts vehichels che drovan negina lubientscha:

- a) vehichels a motor dalla polizia, dalla sanitad, d'ufficials dall'assicuranza e dils pumpiers per viadis da survetsch
- b) vehichels a motor dallas instanzas cumpetentas dil Cantun e dalla vischnaunca en cass d'accidents, da fiug ni da catastofas
- c) vehichels a motor da miedis e da veterinaris en connex cun l'execuziun d'incaricas officialas
- d) vehichels a motor en survetsch dalla publicitad per ademplir lavurs officialas (p.ex. spazzatgamin e.a., sco era dertgiras per uatgas)
- e) vehichels a motor agrars inclus mopeds tochen 50 cm³ che vegnan duvrai per cultivar las alps, ils praus e las pastiras, sch'els vegnan effectivamein duvrai per la cultivaziun (cun numera verda)
- f) vehichels a motor agrars e forestals che vegnan duvrai per exequir lavurs d'uaul sco transportar lenna ed uaffens, sche las lavurs vegnan effectivamein fatgas enteifer quei intschess e temps (cun numera verda)

- g) per raccoltar lenna dat ei per sort e lubientscha da rustgar ina carta gratuita, limitada ad 1 jamna, quei denton cun presentar la carta da rustgar ni la quittance dalla sort cun numera
- h) viadis en survetsch dalla Confederaziun.
- i) Quei che ei buca reglau en quella lescha, vegn reglau tenor las ordinaziuns dil cantun.

Art. 3

Excepziuns che drovan ina lubientscha

La suprastanza communal conceda sin damonda lubientschas da carrar per:

- a) vehichels a motor da possessurs che han lur domicil ni fatschenta el territori dalla via d'access cun scamond
- b) vehichels a motor da possessurs da funs e baghetgs, da locataris e miigiurs per contonscher lur schischom e possess
- c) vehichels a motor da furniturs da victualias e material
- d) vehichels a motor da mistergners per praticar lur professiun
- e) vehichels a motor da personas impedidas
- f) vehichels a motor per survetschs d'apport per hosps cun la cumpra d'ina carta da max. 3 dis.
- g) Vehichels a motor da personas che han lur domicil en vischnaunca, ni che han proprietad da habitar en vischnaunca.

Art. 4

Negina lubientscha speciala

Per il tschancun via Resgia – Plaun da Pors dat ei ni per autos ni motos lubientschas specialas (tenor art. 3).

Art. 5

Taxas

Per la lubientscha da carrar vegnan messas a quen las suandontas taxas:

- a) lubientscha d'ina sesiun per vehichels tochen 3.5 t frs. 30.00
- b) lubientscha dad 1 di valeivla max. 3 dis dapi il datum d'emissiun per vehichels tochen 3.5 t frs. 10.00
- c) vehichels a motor sur 3.5 t pagan per viadi sin tut las vias cun in scamond da carrar per camiuns. frs. 100.00

La lubientscha ei buca transferibla e sto vegnir piazzada a moda bein visibla el vehichel.

Las differentas lubientschas san ins retrer dalla canzlia communal.

La suprastonza communal sa surdar ad autras personas e fatschentas l'incumbensa d'emetter talas lubientschas. Per vehichels sur 3.5 t sa la suprastonza, sin fundament dalla capacidad da carga e sin fundament dall'intensivada dils viadis, pretender ina taxa supplementara per il manteniment dallas vias. Per transports pli gronds sa la suprastonza era fixar en cunvegnientscha cun l'interpresa ina taxa pauschala per tals vehichels.

Art. 6

Prescripziuns specialas

- a) La suprastonza communal sa, en cass da cundiziuns disfavoreivlas dalla via e dil traffic, scumandar tuts viadis tenor art. 3 per in temps limitau ni limitar las categorias da vehichels.
- b) Tuttas purteglas ston vegnir aviartas e serradas immediat.
- c) Sil terren confinont cun la via astgan ins buca carrar. Parcar ei lubiu mo els loghens previ per parcadis ni en loghens adattai per parcar.

Art. 7

Responsabladad

En cass da donns e d'accidents, era donns caschunai entras il muvel alpegiu, surpren la vischnaunca negina responsabladad, excepju art. 58 DO.

Art. 8

Disposiziuns penalas

Surpassaments da questa lescha vegnan castigai dalla suprastonza communal a basa dils art. 20 e 23 OECG tier la LTV cun ina multa da tochen frs. 200.00, en cass da repetiziun da tochen frs. 1'000.00.

Art. 9

Execuziun

L'execuziun da quella lescha ei caussa dalla suprastonza communal. Ella sa delegar quella cumpetenza a tiazas personas ni era ad in emploiau da vischnaunca.

Art. 10

Publicaziun e signalisaziun

Las restricziuns da traffic ordinadas en quella lescha ein da publicar da temps en temps el Fegl ufficial Surselva.

La signalisaziun succeda en convegnoentscha cun la polizia cantunala da traffic.

Art. 11

Vigur

Questa lescha ei vegnida approvada dil cussegl da vischnaunca ella seduta dils 11 d'avrel 2018 ed entra en vigur retroactivamein igl 1 da schaner 2018. Ella remplazza tut ils reglaments semeglionts dallas vischnauncas d'Andiast, da Breil e da Waltensburg/Vuorz.

En num dalla suprastanza communal

En num dil cussegl da vischnaunca

Il president:

Clau Schlosser

Il president:

Maurus Tomaschett

Igl actuar:

Curdin Cadonau

Igl actuar:

Curdin Cadonau